



UMS
UNIVERSITI MALAYSIA SABAH

**PUSAT
PERSEDIAAN
SAINS DAN
TEKNOLOGI**

#TAMAZA #TEAM_BUILDING #PPST

TEAM BUILDING PPST

Pusat Persediaan Sains dan Teknologi telah berjaya menjalankan program *Team Building* pada 29 Februari hingga 1 Mac 2020 di Tamaza Adventure Cultural Village, Telipok, Kota Kinabalu. Program *Team Building* ini adalah bertujuan untuk memupuk dan mengeratkan semangat berpasukan dan kerjasama di kalangan staf PPST tidak kira sama ada di antara staf pentadbiran mahupun staf akademik. *Tamaza Adventure Cultural Village* yang terletak di Kampung Natai Telipok boleh dicapai sekitar 40 minit dari Kota Kinabalu melalui kenderaan. Tapak ini juga mempunyai lokasi yang strategik iaitu terletak di titik pertemuan dua sungai di Kampung Natai.

Program *Team Building* PPST telah disertai oleh 29 orang staf PPST dan dijalankan selama dua hari. Pada hari pertama, semua peserta telah berkumpul seawal 6.30 pagi di PPST, UMS dan bertolak tepat pada jam 7.00 pagi. Sejurus setelah tiba di destinasi pada pagi itu, kumpulan peserta PPST

telah disambut oleh Pengarah Tamaza Adventure Cultural Village, Encik Terrence Doliting. Peserta telah dibahagikan kepada empat kumpulan setelah selesai taklimat keselamatan oleh Encik Terrence. Para peserta kemudian diminta untuk berkumpul mengikut kumpulan dan mereka bentuk bendera kumpulan masing-masing. Program *Team*



Building PPST diteruskan dengan beberapa aktiviti seperti dinamik kumpulan, *Prison Breakout Exercise* dan beberapa siri aktiviti yang lain. Aktiviti kemudian ditangguh sebentar untuk memberi ruang buat peserta berehat dan solat Maghrib. Program pada malam tersebut disambung semula dengan aktiviti *Bonfire* dan persembahan dari setiap kumpulan.

Program dimulakan seawal jam 7.00 pagi pada hari kedua untuk persediaan sebelum aktiviti *Jungle Trekking and Survival*. Semua peserta bertolak dari tapak perkhemahan ke kawasan air terjun Tamaza pada tepat jam 8.00 pagi. Sejurus tiba di lokasi air terjun, para peserta diberi peluang untuk mandi air terjun dan juga aktiviti *Bush Cooking* telah dijalankan mengikut kumpulan masing-masing. Peserta kemudian bertolak balik ke tapak perkhemahan setelah selesai aktiviti di air terjun untuk berehat dan berkemas. Upacara penutupan program *Team Building* PPST dibuat dengan penyampaian sijil kepada semua peserta dan sesi bergambar berkumpulan. Peserta PPST kemudian bertolak balik ke UMS setelah selesai upacara penutupan.



NOTA EDITOR:

NUR RAMZIAHRAZANAH JUMAT (PENULIS)
MEGAWATI MOHD. YUNUS (PENYUNTING)

Transformasi Ke Arah
UNIVERSITI 4.0
INDUSTRI

 **Eco
Campus** 
Transforming Ideas into Reality